

REPUBLIKA E KOSOVES-REPUBLIKA KOSOVA-REPUBLIC OF KOSOVO	
AGJENCIA KUNDËR KORRUPSIONIT AGENCIJA PROTIV KORRUPCIJE ANTI-CORRUPTION AGENCY	
Dep. Dip. Dep.	DPK
Nr. Prot. B: Prot. Prot. No.	03-03/2757/20
Nr. Fraq Broj, stranica Nr. pages	03
Dola Datum Date	04.12.2020



**Republika e Kosovës**  
**Republika Kosova - Republic of Kosovo**  
**AGJENCIA KUNDËR KORRUPSIONIT**  
**AGENCIJA PROTIV KORRUPCIJE**  
**ANTI - CORRUPTION AGENCY**



DATË/A:	04.12.2020
REFERENC-Ë:	AKK- DPKPP /03-03-2731/20
PËR/ZA/TO:	z. Xhevdet RAMOSAJ, Menaxher i zyrë së Prokurimit Komuna e Deçanit
CC:	z. Bashkim RAMOSAJ , Kryetar i Komunës se Deçanit
PËRMES/PREKO/THROUGH:	z. Shaip HAVOLLI, Drejtor i Agjencisë kundër Korrupsionit
NGA/OD/FROM:	Afrim ATASHI, Drejtor i Departamentit për Parandalimin e Korrupsionit
TEMA/SUBJEKAT/SUBJECT:	Opinion lidhur me Tenderin me titull: "Furnizim me inventar për Objektin e Emergjencës në QKMF-Deçan "

*I nderuar z. Ramosaj ,*

Në mbështetje të nenit 142 (par. 3) të Kushtetutës së Republikës së Kosovës, nenit 5 (par. 1, nënpar. 1.1.) dhe 21 të Ligjit nr. 03/L-159 për Agjencinë kundër Korrupsionit, nenit 9 (par. 1, nënpar. 1.5.), 16 (par. 2) dhe 21 (par. 3 ) të Ligjit nr. 06/L-011 për Parandalimin e Konfliktit të Interesit në Ushtrimin e Funkcionit Publik, nenit 2 par.3 dhe të nenit 10 të Rregullores nr. 01/2018 për ndryshimin dhe plotësimin e Rregullores nr. 01/2014 dhe Rregullores nr. 01/2017, së Punës së Agjencisë kundër Korrupsionit, lidhur me tenderin me titull: "Furnizim me inventar për Objektin e Emergjencës në QKMF-Deçan" me numër të prokurimit: 631/20/7703/121, dhe me nr. të brendshëm: 631/20/058/121, Agjencia kundër Korrupsionit ofron këtë:

## O P I N I O N

Me të cilin kërkohet nga ju si Autoritet kontraktues që t'i ndërmerni të gjitha veprimet e nevojshme drejt evitimit të shkeljeve të evidentuara në lidhje me Tenderin: "Furnizim me inventar për Objektin e Emergjencës në QKMF-Deçan" me numër të prokurimit: 631/20/7703/121, dhe me nr. të brendshëm: 631/20/058/121, në mënyrë që të respektohen dispozitat përkatëse të Ligjit për prokurimin publik nr.04-L/042 i plotësuar dhe ndryshuar me Ligjin nr.04/L -237, Ligjin nr. 05/L-068 dhe Ligjin nr. 05/L-092.

## *Arsy etimi*

Agjencia kundër Korrupsionit (në tekstin e mëtejme Agjencia), duke vepruar sipas detyrës zyrtare pas kontrollimit të njoftimeve për kontratë që ka bërë në Sistemin elektronik të Prokurimit, me datë 04 dhjetor 2020, ka nxjerrë vendim me numër protokolli: **AKK-DPK-03-03/2731/20**, për fillimin e procedurës për trajtimin e rastit në lidhje me aktivitetin e prokurimit publik me titull: “**Furnizim me inventar për Objektin e Emergjencës në QKMF-Deçan**” me numër të prokurimit: 631/20/7703/121, dhe me nr. të brendshëm: 631/20/058/121, i iniciuar nga Autoriteti kontraktues Komuna e Deçanit.

Agjencia në bazë të dokumenteve të nxjerra nga Sistemi Elektronik i Prokurimit ka analizuar njoftimin për kontratë dhe dosjen e tenderit, ku ka konstatuar se autoriteti kontraktues, për këtë aktivitet të prokurimit ka paraparë procedurën e hapur, kontratë publike, të llojit furnizim, me vlerë të vogël të parashikuar prej 27,000.00 €.

Agjencia, pasi ka analizuar me kujdes njoftimin për kontratë, dosjen e tenderit dhe specifikimet teknike, vëren se tek specifikimet teknike autoriteti kontraktues ka emërtuar artikullin si në vijim: Pozicioni nr. 2. Pika b. Fijokat me sistem vakumi nga prodhuesi BLUM si dhe me çelës; Pozicioni nr. 4. Bagllamat 3 D nga prodhuesi BLUM; Pozicioni nr. 5. Bagllamat 3 D nga prodhuesi BLUM; Pozicioni nr. 11. Bagllamat 3 D nga prodhuesi BLUM, Lavaman në formë katrore një gropëshe nga prodhuesi FRANK., Frigoriferi nga marka e njohur BOSCH; Pozicioni nr. 12. Bagllamat 3 D nga prodhuesi BLUM, Lavaman në formë katrore një gropëshe nga prodhuesi FRANK, Komplet pajisjet elektrike BOSCH të gjitha me sistem të kursimit A+++; Pozicioni nr. 14. Bagllamt 3 D nga prodhuesi BLUM dhe pozicioni nr. 15. Mekanizim duhet të jetë BLUM, të cilat janë specifikuar nga njësia kërkuese në atë mënyrë që i përshtatën prodhuesve të caktuar dhe eliminojnë prodhuesit tjerë.

Agjencia kundër Korrupsionit konsideron se Autoriteti kontraktues më konkretisht Njësia Kërkuese duhet të ketë kujdes dhe t’i përpilojë specifikimet teknike në atë mënyrë që të jenë të hapura për të gjithë operatorët ekonomik të cilët mund të bëjnë furnizimin e tillë. Autoriteti kontraktues është veçanërisht i ndaluar që të hartojë specifikime teknike që favorizojnë ose diskriminojnë një ose më shumë operatorë ekonomik apo prodhues të caktuar në treg.

Duke vepruar në këtë mënyrë Autoriteti kontraktues ka shkelur nenin 7 dhe 28 të Ligjit në fuqi për prokurimin publik në Republikën e Kosovës.

Në **paragrafin 1** në mënyrë decisive thuhet se “Autoriteti kontraktues do t’i trajtoj operatorët ekonomik në mënyrë të barabartë dhe jo-diskriminuese dhe do të veprojë në mënyrë transparente”.

**Paragrafi 2** parasheh se “ Autoriteti kontraktues nuk do të ekzekutojë asnjë aspekt të aktivitetit të prokurimit në një mënyrë që redukton apo eliminon konkurrencën në mes të operatorëve

ekonomik ose që diskriminon në dëm ose në të mirë të një ose më shumë operatoreve ekonomik “.

**Paragrafi 3** “pa e cenuar paragrafin e mësipërm, Autoritetit kontraktues posaçërisht i ndaloheq që të përcaktojë nevojat e veta që duhet të përmbushen, specifikojë lëndën që do të prokurohet, ndajë ose përmbledhë sasi të ose artikujt e tjerë që duhet të prokurohen, duke zgjedhur një procedurë të prokurimit, ose duke vendosur një kërkesë ose kriter të përzgjedhjes ose specifikacion teknik që në ndonjë mënyrë ka për qëllim të favorizojë ose diskriminojë kundër njërit ose më shumë operatoreve ekonomik”.

Në **paragrafin 4** parashihet se “Autoriteti kontraktues nuk do të krijojë ose imponojë dhe do të marrë të gjitha masat e nevojshme për të parandaluar krijimin ose imponimin e rrethanave ose kushteve që rezultojnë në diskriminim territorial, fizik, material, personal ose organizativ ndërmjet operatoreve ekonomik”.

Ndërsa **paragrafi 2 i nenit 28** parashihet se “Autoriteti kontraktues do t’i përpilojë specifikimet teknike në atë mënyrë që ato të jenë në përputhje me qëllimin e prokurimit dhe të drejtuara drejt sigurimit të qasjes sa më të mirë për të gjithë operatorët e interesuar ekonomik dhe tenderuesit. Autoriteti kontraktues është veçanërisht i ndaluar që të hartojë specifikime teknike që favorizojnë ose diskriminojnë një ose më shumë operatore ekonomik”.

Si dhe **paragrafi 7** parashihet se “ Autoriteti kontraktues nuk do të përpilojë specifikimet teknike që i referohen një artikulli ose burimi të veçantë, ose një procesi të hollësishëm, ose ndonjë shenjë dalluese, lloji ose origjine të veçantë ose ndonjë prodhimi. Pavarësisht nga e mësipërmja, Autoriteti kontraktues mundet, që në kushte të jashtëzakonshme, të hartojë specifikime teknike ose të bëjë një referim të tillë të veçantë, nëse autoriteti kontraktues në mënyrë të qartë vërteton se, nuk është e mundur që të përpilojë një specifikim mjaft të saktë dhe të kuptueshëm të lëndës së kontratës përkatëse, në pajtim me paragrafin 3-6. të këtij neni ose ndryshe; me kusht që, çfarëdo referimi i tillë të shoqërohet me fjalët “ose ekuivalent”.

Veprimet e Autoritetit Kontraktues, konsiderojmë se bien ndesh me nenin 7 Barazia në Trajtim/ Jo-Diskriminimi nenin 27 Dosja e Tenderit, nenin 28 Specifikimet teknike, të Ligjit për Prokurimin Publik nr. 04-L/042 i plotësuar dhe ndryshuar me Ligjin nr. 04/L-237, Ligjin nr.05/L-068 dhe Ligjin nr. 05/L-092, si dhe nenin 20 të Rregullave dhe Udhëzuesit Operativ për Prokurimin Publik.

Konsiderojmë se shkelje të tilla nuk duhet lejuar në aktivitete të prokurimit, andaj Agjencia kundër Korrupsionit rekomandon që të evitohen këto shkelje, përmes njoftimit standard për informata shtesë dhe për përmirësimin e gabimeve, duke i njoftuar operatorët të cilët e kanë tërhequr dosjen e këtij tenderi.

Po ashtu ju njoftojmë se lidhur me këto të gjetura do të njoftohet Komisioni Rregullativ i Prokurimit Publik – KRPP.

Autoritetet kontraktuese e informojnë Agjencinë për veprimet e ndërmarra.

*Me respekt !*